



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pavli Laymann è Societate I: Theologiae Moralis
Compendiv[m] absolutissimum et in quinq[ue] libros
partitum**

Laymann, Paul

Moguntiae

4. De forma Baptismi.

urn:nbn:de:hbz:466:1-40716

atur, dubitatur utrum baptismus valeat. Ex-
 ma necessitate non est taliter conferendus, in
 necessitate si conferatur, remoto periculo postea
 debet sub conditione repeti idem sentiendum de
 infante pelle adhuc secundina circumdato, neque
 valet baptismus si soli capilli abluantur, quia non
 sunt propria pars corporis.

Non pertinet ad substantiam baptismi: Vtrum 4
 conferatur per asperisionem seu affusionem aquæ,
 quia ablutio instituta à Christo non solum fieri po-
 test immergendo corpus, sed etiam aspergendo, af-
 fundendo, neq; immersio vna vel trina ad substan-
 tiam baptismi requiritur, sed cuiusque Ecclesiæ con-
 suetudo seruanda est, excepto casu necessitatis.

Si minister prolem in puteum coniciat cum ad- 5
 iuncta verborum forma, animo baptizandi pariter &
 occidendi, quamuis grauiter peccet tamen bap-
 tismus est validus. Nam sicut infans in aquam immer-
 sus post prolata formam è ministri manibus ela-
 batur, verè baptizatus est, ita etiam si ex malitia im-
 mergatur.

C A P. I V.

Forma Baptismi in Ecclesiis orientalibus est. Ego 1
 te baptizo in nomine Patris, & Filii & Spiritus
 sancti, Amen, sumitur ex Matth. 28. Baptizantes eos
 in nomine Patris, &c. Ratio institutionis est, cum
 baptismus sit primum sacramentum & introitus in
 Ecclesiam Christi, oportet in eius susceptione ex-
 pressum fidei Christianæ professionem facere per
 inuocationem Dei Vnius & Trini quippe cum hoc
 sit primum obiectum fidei Eangelicæ, nec non
 causa principaliter efficiens regenerationem spiri-
 tualem.

Ppp Ad

Ad substantiam formæ pertinet, ut tunc actus baptizandi, tunc persona baptizanda, tunc unitas trium personarum in diuinis significetur. Primum probatur ex institutione & praxi Ecclesiæ. Et forma verborum in sacramento determinare debet materiam, eiusque significationem formare, quate cum materia propinqua huius sacramenti sit actio ministri, videlicet ablutio, necesse est, hanc actionem determinari his verbis (Ego te baptizo) quod videlicet non fiat corporis refrigerandi gratia, sed ordinetur ad internam animæ abluitionem virtute solennitatis ministerialiter operandam. In forma illa græcorum: baptizetur seruus Christi in nomine Patris, implicite significatur effectum sacramenti à SS. Trinitate confecti per eam, quam ipsemet simul exercet actionem ministerialem, videlicet abluitionem: sicut si legatus aliquis aut dispensator ex voluntate Domini sui tradendi alteri equum dicat: Hic quus tibi datur auctoritate Domini mei, talibus verbis iunctis cum exteriore traditione implicite seu ipso facto significat traditionem sicut per hoc tuum ministerium. Vnde valet hæc forma: Baptizat te Christus in nomine Patris, & Filii, & Spiritus sancti, quia hic est sensus formæ græcicæ, & ad essentiam formæ non requiritur, ut in ea seu explicite seu implicite significetur actio, prout à persona ministri procedit, modo notetiam excludatur, quod fiet si dicas: Christus te baptizat, te absoluit, non ego, tali enim forma vitiat sacramentum. Nam cum forma sacramenti sit practica, significare debet effectum procedere tum à Deo ut causa principali, tum à ministro ut instrumentali: secunda pars assertionis probatur: quod nimirum ad substantiam formæ pertineat, ut persona baptizanda significetur.

acutus baptizatur. Quia forma verborum debet determinate significare ad eum, qui est ablutio, consequenter debet significare & exprimere patiens seu subiectum, quippe ex quo ipse actus baptizandi seu ablutio determinationem suam accipit. Deinde ideo debet altera persona baptizanda exprimi, ut appareat distinctio personarum baptizantis & baptizandi, & nemo a se ipso baptizari potest. c. debitum de baptismo. Vnde discrimen apparet, quod non ita necessarium sit, ut forma directe significetur seu exprimat personam baptizans, sicut necessarium est exprimi personam, quae baptizatur. Ratio est: quia forma baptismi exprimere debet materiam propinquam, quae est ablutio. Ea autem magis determinatur a subiecto in quo recipitur quam ab agente a quo procedit. Vnde si plures simul unam personam baptizant, unus baptismus, si unus plures baptizat, dicens, Ego vos baptizo, plura sunt baptismata.

NB. Non valet baptismus, in nominibus Patris, quia debet significati Unitas trium personarum in divinis.

Ad valorem sacramenti baptismus non sufficit SS. Trinitatis implicita nominatio, sed requiritur expressa. Prob. ex institutione Christi, Matth. 28. Ratio institutionis, quia cum baptismus sit sacramentum fidei & introitus in Ecclesiam Christi, oportet habere implicitam fidem trium personarum in divinis: Ergo etiam eiusdem fidei in baptismo explicita professio fieri debet.

NB. Illud axioma. Expliciti & impliciti eadem virtus est, nullum locum habet in sacramentis, quippe quae ex propria institutione signa exprimenda esse debent.

- 4 Dubiū est, an valeat baptismus collatus in nomine genitoris, geniti & procedentis ab utroque, pro affirmatiua sententia, Est ratio, quod formæ essentia consistat in significatione: verba autem illa genitor geniti, &c. non mutant significationem verborum: pro negante est, quod credibile sit Christum pro forma sacramenti, adeo necessari in quo & fidei Christianæ professio fieri debet, instituisse ac determinasse talia verba, quæ in quavis lingua ad SS. Trinitatis mysterium significandum communiter ab Ecclesia vsurpari soleat: Talia autem in Romana lingua sunt Pater, Filius, & Spiritus sanctus: sed cū de priori baptismo non satis constet, Baptismus collatus in tali casu sub conditione est repetendus.
- 5 Ad essentiam formæ spectat vt vocabulum *in nomine* exprimat, quia per illud significatur nō tantū virtus, sed etiam inuocatio & professio vnius Dei, quod si illud, in nomine, ad quamvis personam vsurpetur, videtur in praxi sub conditione baptismus iterandus eō quod non satis videatur exprimi vnius diuinitatis essentia v.c. Ego te baptizo in nomine Patris, & in nomine Filii, & in nomine Spiritus sancti.
- 6 Accidentales mutationes formæ baptismi (v.c. si omittas Ego, aut transpositio fiat: Te ego baptizo: Item si persona transponatur si modica verborum interruptio fiat propter tussim, expuitionem, aut si superflua addantur, v.c. Ego Iohannes te baptizo in nomine Patris omnipotentis) administrationem illicitam reddunt. Excepto casu necessitatis. Quod si nomine B. Virginis addatur tanquam aduocatricis, illicitum id est contra Ecclesiæ consuetudinem, sed valet: Irritus est baptismus, si inuocatur nomē B. Virginis Mariæ, tanquā allatricis gratiæ.